



Ráðhús Reykjavíkur
Borgarráð

Efni: Beiðni um breytt rekstrarleyfi og aukið framlag til Vinagarðs leikskóla KFUM og K.

Á fundi skóla- og frístundaráðs þann 5. apríl 2017 var lagt fram minnisblað sviðsstjóra skóla- og frístundasviðs, dags. 30. mars 2017, beiðni um breytt rekstrarleyfi og aukið framlag til Vinagarðs leikskóla KFUM og K, beiðni um breytingu á rekstrarleyfi fyrir leikskólann Vinagarð, leikskóla KFUM og KFUK, ódags. er barst 12. apríl 2015, rekstrarleyfi leikskólans Vinagarðs, dags. 15. júní 2015, umsögn foreldraráðs leikskólans Vinagarðs, dags. í mars 2017, þjónustusamningur skóla- og frístundasviðs við Vinagarð, dags. 19. maí 2010 og viðauki við samning aðila, dags. 9. janúar 2015 auk reglna Reykjavíkurborgar um rekstrarleyfi leikskóla, samþykktar í leikskólaráði 26. nóvember 2008.

Skóla- og frístundaráðsfulltrúar Samfylkingarinnar, Bjartrar framtíðar og Vinstri grænna og áheyrnarfulltrúi Pírata lögðu fram svohljóðandi tillögu:

Lagt er til að viðmið um hámarksfjölda reykvískra barna sem heimilt er að greiða framlag vegna til Vinagarðs verði breytt með þeim hætti að heimilt verði að greiða framlag vegna 20 reykvískra barna til viðbótar við þau 75 börn sem nú er heimilt að greiða framlag vegna frá 1. september 2017. Sviðsstjóra er falið að gera viðauka við núverandi samning aðila frá 19. maí 2010 vegna þessa.

Vegna fyrirhugaðrar stækunar leikskólans er jafnframt lagt til að viðmið um hámarksfjölda reykvískra barna sem heimilað er að greiða framlag vegna til Vinagarðs geti orðið 155 í stað 95 frá 1. september 2018. Gerður er fyrirvari um að Vinagarður fái útgefið rekstrarleyfi leikskóla vegna stækunar leikskólans. Sviðsstjóra er falið að gera viðauka/samning þar sem kveðið er á um fjölgun barna þegar framangreindu skilyrði um útgáfu rekstrarleyfis hefur verið fullnægt.

Tillagan var samþykkt og vísað til borgarráðs.

Tillöggunni er hér með vísað til borgarráðs.

Virðingarfyllst

Helgi Grímsson

sviðsstjóri skóla- og frístundasviðs

Hjálagt:

Minnisblað sviðsstjóra, dags. 30. mars 2017

Beiðni um breytt rekstrarleyfi og aukið framlag, ódags. en barst 12.apríl 2015

Rekstrarleyfi, dags. 15.júní 2015

Umsögn foreldrararáðs, dags. í mars 2017

Þjónustusamningur, dags. 19. maí 2010

Viðauki við samning, dags.9. janúar 2015

Reglur Reykjavíkurborgar um rekstrarleyfi, dags. 26. nóv. 2008

Reykjavík, 30. mars 2017
SFS2017040127
117. fundur / fskj. 6.1
HG/hs

MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Beiðni um breytt rekstrarleyfi og aukið framlag til Vinagarðs leikskóla KFUM og K

Í erindi Vinagarðs, sem dagsett er 22. desember 2014, er óskað eftir leyfi til að stækka leikskólann. Jafnframt er farið fram á aukið framlag Reykjavíkurborgar til Vinagarðs, leikskóla KFUM og K, í húsnæði leikskólans að Holtavegi 28, 104 Reykjavík.

Um stækkun leikskólans

Óskað er eftir að fjölga börnum um 60 rými vegna stækkunar leikskólans. Gert er ráð fyrir að stækkunin verði í fyrsta lagi tilbúin haustið 2018.

Mikil þörf er á auknum rýmum í leikskóla í hverfi 104 og hefur biðlisti inn í leikskóla í þessu hverfi farið vaxandi undanfarin ár.

Fagskrifstofa leikskólamála mælir með því að leikskólinn fái heimild til að stækka við húsnæði sitt og rýmum verði fjölgað um 60 frá hausti 2018. Fyrirvari verði settur um að húsnæðið uppfylli öll skilyrði til rekstursins.

Um aukið framlag til leikskólans

Leikskólinn hefur gert samning við skóla- og frístundasvið sem kveður á um að heimilt sé að greiða framlag vegna 75 reykviskra barna á aldrinum 18 mánaða – 6 ára.

Annars vegar er farið fram á að heimilt verði að fjölga börnum sem greitt er framlag vegna um 27 til viðbótar við þau 75 börn sem nú er heimilt að greiða framlag vegna, á tímabilinu 1. maí til 1. september ár hvert.

Hinsvegar er farið fram á að heimilt verði að greiða framlag vegna 60 barna til viðbótar þegar búið er að stækka skólann. Gert er ráð fyrir að stækken húsnæðisins verði í fyrsta lagi lokið haustið 2018.

Fagskrifstofa leikskólamála mælir með því að samþykkt verði að greiða framlag vegna 20 reykvískra barna frá 1. september 2017. Jafnframt verði heimilað að greiða framlag vegna 60 reykvískra barna vegna stækkunar frá hausti 2018 að uppfylltum skilyrðum um rekstrarleyfi.

Fjármálaskrifstofa SFS hefur reiknað út fjárbörfina miðað við að börnin verði í 8,5 tíma vistun. Gert er ráð fyrir 4.146.907 kr. á mánuði eða 45.615.981 kr. á ársgrundvelli.

117. fundur / fskj. 6.3
SFS2017040127




Ragnar Þorsteinsson
Sviðstjóri skóla- og fristundasviðs Reykjavíkurborgar
Borgartúni 12-14
105 Reykjavík

Beiðni um breytingu á rekstrarleyfi fyrir Vinagarð, leikskóla KFUM og KFUK

Vinagarður, leikskóli KFUM og KFUK, fer þess hér með á leit við Reykjavíkurborg að erindi skólans dagsett 22. desember 2014 um aukinn fjölda barna skv. rekstrarleyfi verði vísað til skóla- og fristundaráðs. Óskað er eftir því að heimilt verði samkvæmt rekstrarleyfi að reka leikskóla fyrir 98 börn að staðaldri en að jafnframt verði heimilt að fylgja börnum í allt að 110 tímabundið í maí, júní, og ágúst ár hvert, enda er leikskólinn að jafnaði lokaður í júlí. Þessi beiðni er sambærileg við það sem rakið er í svari sviðstjóra skóla- og fristundasviðs í bréfi til leikskólans dagsett 9. mars 2015.

Það er jafnframt ósk leikskólans Vinagarðs að skóla- og fristundasvið endurskoði framlag til skólans á árinu 2016 svo leikskólinn geti hýst fleiri reykvísk börn og geti jafnframt boðið reykvískum börnum leikskólapláss strax að vori líkt og börnum sem búa í öðrum sveitarfélögum.

Virðingarfyllst,


Magnus Fjalar Guðmundsson
formaður stjórnar Vinagarðs, leikskóla KFUM og KFUK

17 APR 2015

SFS2014-12-0189

6.4

Rekstrarleyfi fyrir leikskólann Vinagarð

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með leikskólum KFUM og KFUK kt. 590176-0369 leyfi til að reka leikskólann Vinagarð.

Fyrir liggja teikningar af húsnæði leikskólans við Holtaveg 28 í Reykjavík. Veitt er heimild til að reka leikskóla að staðaldri, í húsnæðinu fyrir allt að 98 börn á aldrinum 18 mánaða til 6 ára. Jafnframt er veitt heimild fyrir allt að 110 börnum, tímabundið, í maí, júní og ágúst ár hvert.

Vottorð liggar fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólkennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppledni barna séu ráðnir leikskólkennrarar.

Rekstraraðila ber að láta alla starfsmenn leikskólans undirrita yfirlýsingum um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Þjónustu, sbr. reglugerð nr. 584/2010, um sérfræðiþjónustu leik- og grunnskóla.

Leikskólastjóra er skyld að endurskoða skólanámskrána reglulega og leggja hana fyrir menntaráð til staðfestingar. Skólanámskrá leikskólans er frá árinu 2007.

Starfsáætlun ber að skila árlega samkvæmt nánari ákvörðun menntaráðs.

Leikskólannum er skyld að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólannum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólannum. Ber leikskólannum að láta skóla- og frístundasviði í té gögn um inníra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, 15. júní 2015

Valgerður Janusdóttir

Valgerður Janusdóttir, staðgengill sviðsstjóra skóla- og frístundasviðs Reykjavíkurborgar

Vinagarður leikskóli KFUM & KFUK

Umsögn foreldraráðs vegna umsóknar um stækkun leikskólans

Mars 2017

Foreldraráð leikskólans skipa:

**Kristín Helga Waage Knútsdóttir
Berglind Ingvarsdóttir
Eva Harðardóttir**

Inngangur

Stjórn Vinagarðs, leikskóla KFUM og KFUK, hefur óskað með formlegum hætti eftir stækjun á leikskólanum samkvæmt bréfi stílað á skrifstofustjóra Fagskrifstofu leikskólamál Reykjavíkurborgar, þann 2. nóvember 2016.

Skólinn hyggst stækka sem nemur 60 plássum og koma þannig til móts við biðlista og þörf sem skapast hefur eftir leikskólaplássum á höfuðborgarsvæðinu. Þá vill leikskólinn einnig kannað möguleikann á að geta tekið á móti yngri börnum við leikskólann enda viðvarandi óvissa og skortur á dagvistun barna frá lokum fæðingarorlofs til tveggja ára aldurs. Hlutfall yngri barna í leikskólum hefur aukist á höfuðborgarsvæðinu og landinu öllu á síðast liðnum árum sem gefur til kynna samfélagslega þörf og viðurkenningu á mikilvægi faglegs leikskólastarfs (sjá skýrslu Mennta- og menningarmálaráðuneytis, 2015). Þá hefur viðvera barna á leikskólum lengst þar sem reykvísk börn hafa lengsta viðveru barna á leikskólum (sjá skólaskýrslu Samband íslenskra Sveitarfélaga, 2014).

Leikskólinn Vinagarður hefur fundið fyrir og reynt eftir fremsta megni að mæta þessari þörf meðal annars með því að taka í notkun húsnæði í húsakynnum KFUM og KFUK undir starfsemi sína. Engu að síður er eftirspurnin enn mikil og biðlistar langir. Samkvæmt rekstrarleyfi útgefnu af Skóla- og frístundaráði Reykjavíkurborgar er gert ráð fyrir 98 - 110 plássum við leikskólann. Þar af greiðir Reykjavíkurborg 75 pláss samkvæmt núverandi samningi.

Hlutverk foreldraráðs

Samkvæmt 11. gr. laga um leikskóla frá 2008 er hlutverk foreldraráðs að gefa umsagnir til leikskóla og nefndar, sbr. 2. mgr. 4. gr., um skólanámskrá og aðrar áætlanir sem varða starfsemi leikskólans. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiri háttar breytingar á leikskólastarfi.

Umsögn foreldraráðs:

Foreldraráð Vinagarðs styður stjórn leikskólans heilshugar í viðleitni sinni til stækunar og umsóknar á auknum fjárframlögum frá Reykjavíkurborg til nýtingar á plássum fyrir reykvísk börn við skólann. Ljóst þykir að skólinn hefur nú þegar fullnýtt allt það rými sem honum stendur til boða til þess að mæta aukinni eftirspurn foreldra eftir leikskólaplássi við skólann. Engu að síður eru biðlistar við skólann enn langir og ekki hægt að verða við öllum beiðnum.

Foreldraráði þykir því bæði eðlilegt og jákvætt að stjórn leikskólans líti til langtímaáætlunar um raunverulega stækjun í takt við þarfir nútímasamfélags þar sem hlutur og ábyrgð faglegs leikskólastarf eykst jafnt og þétt með aukinni aðsókn og lengri viðveru barna.

Leikskólinn Vinagarður, stendur fyrir sérlega faglegu leikskólastarfi, vel ígrunduðum þróunar- og umbótaáætlunum og hlutfallslega hátt menntuðu starfsfólki (sjá fyrri umsagnir Foreldraráðs um náms- og starfsáætlunar skólans). Foreldraráð telur skólann því vel í stakk búin til að leggjast í fyrirhugaða stækjun en slík stækjun kemur einungis til á grundvelli þess að Reykjavíkurborg viðhaldi

hlutdeild sinni í greiddum leikskólaplássum – með því að greiða áfram fyrir um það bil 75% af heildarplássum leikskólans (120 pláss af áætluðum 158 plássum). Þannig væri leikskólanum gert kleift að koma áfram til móts við mikla og jákvæða eftirspurn og mæta þannig þörfum fleiri reykvískra barna um leikskólapláss miðsvæðis í höfuðborginni.

Eva Harðardóttir

Berglind Ingvarsdóttir

Kristín Helga W. Knútsdóttir

KFLM1 og K
25. MAI 2010Málsnr.: LEIK2010050291
Skjalalykill: 10.10

**Samningur um framlag Leikskólasviðs til sjálfstætt starfandi leikskóla
fyrir börn frá 18 mánaða til 6 ára**

Leikskólasvið Reykjavíkurborgar, kt. 530269-7609, hér eftir nefnt Leikskólasvið og Leikskóli K.F.U.M og K.F.U.K, kt. 590176-0369, gera með sér eftirfarandi samning um rekstrar- og húsnæðisstyrk, hér eftir nefnt framlag, vegna vistunar reykviskra barna í leikskólanum Vinagarði, hér eftir nefndur leikskólinn.

1. gr.

Reglur sem sjálfstætt starfandi leikskólum ber að fara eftir

Sjálfstætt starfandi leikskólar starfa skv. lögum nr. 90/2008 um leikskóla. Sjálfstætt starfandi leikskóli sem gerir samning við Leikskólasvið um framlag til leikskólans ber að fara eftir reglum Leikskólasviðs um leikskólapjónustu þar sem við á eða reglum sem koma í þeirra stað.

2. gr.

Framlag Leikskólasviðs

Framlag Leikskólasviðs er háð því skilyrði að leikskólinn hafi gilt rekstrarleyfi í Reykjavík. Leikskólasvið greiðir framlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar þess eru ekki í vanskilum við Leikskólasvið, sjá nánar 2. grein í reglum Leikskólasviðs um leikskólapjónustu. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum við Leikskólasvið.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri eða þá að foreldrar fá greidda þjónustutryggingu. Leikskólasvið greiðir með barni meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýum stað fyrr en að uppsagnarfrestur er liðinn.

Hefji barn nám í grunnskóla fellur niður réttur til framlags Leikskólasviðs.

Leikskólinn skal útbúa skriflegan dvalarsamning undirritaðan af leikskólastjóra / rekstraraðila og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir Leikskólasvið þegar óskað er eftir þeim.

Í samræmi við reglur Leikskólasviðs um þjónustutryggingu er leikskólinn skuldbundinn til að upplýsa Leikskólasvið um reykvisk börn á biðlista leikskólans og hvort foreldrum hafi verið boðið leikskólapláss fyrir barn.

3. gr.

Fjöldi barna og vistunartíma

Fjöldi barna sem greitt er framlag með er að hámarki 75 nema rekstrarleyfi leikskólans kveði á um færri börn. Ef rekstrarleyfi leikskólans breytist með þeim hætti að börnum skv. því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun.

Fjöldi niðurgreiddra dvalarstunda er í samræmi við 1. grein í reglum Leikskólasviðs um leikskólaþjónustu.

4. gr.

Rekstrarframlag

4.1 Rekstrarframlag fyrir börn frá 18 mánaða til 6 ára:

Leikskólasvið greiðir rekstrarframlag með þeim börnum sem dvelja í leikskólanum á hverjum tíma frá 18 mánaða aldri og þar til barn hefur grunnskólagöngu um 6 ára aldur, ef skilyrðum skv. 2. gr. samningsins er fullnægt.

Rekstrarframlagið er byggt á áætluðum heildarkostnaði (án húsaleigu) við börn í borgarreignum leikskólum, skv. fjárhagsáætlun ársins, þ.e. áætluðum rekstrarkostnaði borgarrekinna leikskóla, ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar borgarrekinna leikskóla sem ekki er áætlaður á borgarrekna leikskóla og að frádreginni húsaleigu og kostnaði vegna þjónustu og umsýslu vegna sjálftaett starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

a) Rekstrarframlag fyrir hvert barn er reiknað út á estirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássa í borgarreignum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1.

b) Framlag fyrir hvert dvalargildi er reiknað út á estirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætluðum fjölda dvalargilda í borgarreignum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. dvalargildi á mánuði kemur fram í yfirliti yfir rekstrar- og húsnæðisframlag í viðauka 1.

Hlutfall fagmenntaðra starfsmanna leikskólans reiknast til hækunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka 1. Leikskólanum ber að veita Leikskólasviði upplýsingar um fagmenntun starfsmanna sinna.

Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðum starfsmönnum kemur fram í yfirliti yfir rekstrar- og húsnaðisframlag í viðauka 1 og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækjun/lækkun greiðslu.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum 6. gr. reglna Leikskólasviðs um leikskólapjónustu. Hærra framlag er ekki greitt afturvirk og miðast við þann dag er gögnum er skilað til Leikskólasviðs.

Fjárhagsáætlun Leikskólasviðs liggur til grundvallar útreikningi framlagsins. Rekstrarframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfu um hagræðingu í rekstri.

4.2 Rekstrarframlag fyrir börn yngri en 18 mánaða:

Samningurinn gildir vegna barna 18 mánaða til 6 ára en hefji barn leikskóladvöl áður en það nær 18 mánaða aldri greiðist sama framlag og vegna vistunar reykviskra barna hjá dagforeldrum.

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6. mánaða aldri, til samræmis við nágildandi reglur um niðurgreiðslur til dagforeldra¹. Fjárhæð framlags er sú sama og niðurgreiðsla vegna barna hjá dagforeldrum. Rekstrarframlag er greitt út mánaðarlega með ellefu greiðslum á ári en ekki er greitt í júlí. Um framlagið gilda sömu reglur og um niðurgreiðslur til dagforeldra.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja, námsmanna og hærra framlag vegna systkina er háð skilyrðum skv. 6 gr. í reglum Leikskólasviðs um leikskólapjónustu. Hærra framlag er ekki greitt afturvirk og miðast við þann dag er gögnum er skilað til Leikskólasviðs.

Fjárhæð framlags kemur fram í yfirliti yfir niðurgreiðslur til dagforeldra í viðauka 2 við samning þennan og birt er á heimasiðu Leikskólasviðs, www.leikskolasvid.is.

Rekstrarframlagið endurskoðast í janúar ár hvert í samræmi við breytingar á fjárhagsáætlun Leikskólasviðs, sem liggur til grundvallar á útreikningi framlagsins. Heimilt er að endurskoða fjárhæð framlags oftar.

5. gr.

Húsnaðisframlag

¹ Greiðslur vegna barna frá 6 mánaða aldri eru háðar sömu skilyrðum og gerð eru til að fá greitt hærra framlag vegna hjúskaparstöðu eða náms.

Leikskólasvið greiðir húsnæðisframlag fyrir þau börn sem dvelja í leikskólanum á hverjum tíma, enda er leikskólinn í eigin húsnæði / leiguþúsnæði, ef skilyrðum skv. 2. gr. samningsins er fullnægt..

Fjárhæð húsnæðisframlags er samkvæmt reglum Leikskólasviðs um húsnæðisframlag á hverjum tíma eins og kemur fram í viðauka 1 við samning þennan og birt er á heimasiðu Leikskólasviðs, www.leikskolasvid.is.

Árlegt húsnæðisframlag fyrir hvert barn er reiknað út á eftirfarandi hátt: Í áætlaðan húsaleigukostnað allra borgarrekinna leikskóla á ársgrundvelli, þ.e. fyrir 12 mánaða tímabil er deilt með áætluðum fjölda barna í leikskólum borgarinnar. Mánaðarlegt húsnæðisframlag fyrir hvert barn nemur 1/11 af árlegu húsnæðisframlagi en ekki er greitt í júlí.

Þar sem leikskólinn K.F.U.M og K.F.U.K fékk stofnstyrk árið 2001 og viðbótarstofnstyrk v. stækkunar árið 2002 er aðeins greitt 70% af húsnæðisframlagi fyrir hvert barn þar til 10 ár eru liðin frá því að stofnstyrkur var veittur. Þann 21.12.2011 hækkar húsnæðisframlag í 94% fyrir hvert barn og fullt húsnæðisframlag fyrir hvert barn verður greitt frá 09.07.2012.

Húsnæðisframlag er endurskoðað í janúar ár hvert í samræmi við fjárhagsáætlun Leikskólasviðs og áætlaðan fjölda barna í leikskólum Reykjavíkurborgar á rekstrarárinu. Húsnæðisframlagið verður einnig endurskoðað ef breytingar verða í rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfum um hagræðingu í rekstri.

6. gr.

Viðbótargreiðsla vegna barna með sérþarfir

Leikskólasvið mun greiða fyrir sérstaka aðstoð og þjálfun skv. mati viðurkenndra greiningaraðila í samræmi við reglur Leikskólasviðs sem gilda fyrir öll reykvísk börn sem vistuð eru í leikskólum, sbr. 1. mgr. 22. gr. laga um leikskóla nr. 90/2008. Reglurnar eru birtar á vef Leikskólasviðs, www.leikskolasvid.is.

7. gr.

Greiðsla framlags

Rekstrar- og húsnæðisframlag er greitt mánaðarlega, eigi síðar en 20. hvers mánaðar fyrir yfirstandandi mánuð. Greitt er í samræmi við upplýsingar í Nýja leikskólakerfinu², þar sem leikskólastjóri skráir upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, kennitölur, lögheimili, tímabil vistunar barns í yfirstandandi mánuði, fjölda dvalarstunda skv. dvalarsamningi og upplýsingar um hlutfall fagmenntaðra starfsmanna leikskólans.

Skrá þarf upplýsingar vegna hærra framlags, s.s. vegna systkina, námsmanna, öryrkja og einstæðra foreldra í Nýja leikskólakerfið. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum Leikskólasviðs um leikskólapjónustu og gjaldskrá Leikskólasviðs vegna leikskóla Reykjavíkur á www.leikskolasvid.is.

Leikskólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestun verður á staðfestingu (bunkun) getur orðið samsvarandi frestun á greiðslu framlags til leikskólans.

² Unnið er að gerð nýs upplýsingakerfis fyrir Leikskólasvið sem tekið verður í notkun á árinu 2010.

Rekstrar- og húsnæðisframlag verður ekki greitt lengra aftur í tímann en 3 mánuði frá umsóknardegi. Ef Leikskólasvið hefur greitt framlag fyrir barn, t.d. vegna annarrar vistunar eða þjónustutryggingu, verður rekstrar- og húsnæðisframlag lækkað um sömu fjárhæð.

Ef leikskólinn verður var við mistök í greiðslu framlags ber honum að tilkynna Leikskólasviði um þau án tafar.

8. gr.

Gjaldskrá

Gjaldskrá leikskólans vegna barna, 18 mánaða og eldri, má aldrei vera hærri en sem nemur gjaldskrá Leikskólasviðs, vegna náms og fæðis barna í leikskólum borgarinnar, margfölduð með 1,15.

9. gr.

Fjárhagsleg ábyrgð

Leikskólinn ber alla ábyrgð á rekstri leikskólans. Réttarsamband leikskólans og viðskiptavinar hans er einkaréttarlegs eðlis og Leikskólasviði óviðkomandi. Leikskólanum er óheimilt að framselja samning þennan eða réttindi samkvæmt honum.

10. gr.

Eftirlit

Leikskólasvið fer með lögbundið eftirlit með starfsemi leikskólans og einnig með eftirlit með efndum samningsins.

Leikskólinn skal afhenda Leikskólasviði ársskýrslu og gjaldskrá fyrir lok ágúst ár hvert. Breytingar á gjaldskrá skal tilkynna Leikskólasviði þegar þær taka gildi.

Áritaður ársreikningur af löggiltum endurskoðanda og önnur gögn, sem nauðsynleg eru vegna eftirlits með efndum samningsins, skulu vera aðgengileg fyrir Leikskólasvið.

11. gr.

Endurkrafa á ofgreiddu framlagi

Komi í ljós að Leikskólasvið hafi ofgreitt framlag af einhverjum ástæðum, t.d. vegna rangra upplýsinga eða mistaka mun Leikskólasvið lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreidd hefur verið vegna sé hætt í leikskólanum. Leikskólinn getur óskað eftir að endurgreiðslu verði skipt á þrjá mánuði.

12. gr.

Breytingar á lögum og reglugerðum

Verði breytingar á starfsumhverfi leikskóla vegna breytinga á lögum eða reglugerðum um leikskóla er aðilum samningsins heimilt að endurskoða ákvæði þessa samnings með tilliti til þeirra.

13. gr.

Gildistími og uppsögn

Samningurinn tekur gildi 1.ágúst 2010. Samningurinn er uppsegjanlegur af hálfu beggja aðila með sex mánaða fyrirvara.

Ákvæði þessa samnings sem vísa til reglna Leikskólasviðs um leikskólapjónustu taka breytingum til samræmis við breytingar á reglum um leikskólapjónustu eða reglna sem koma í þeirra stað, án sérstakrar tilkynningar eða uppsagnar af hálfu Leikskólasviðs.

14. gr.

Varnarþing

Rísi mál út af samningi þessum skal það rekið fyrir Héraðsdómi Reykjavíkur.

Reykjavík, 19.maí 2010

F.h. Reykjavíkurborgar

F.h Leikskóla K.F.U.M og K.F.U.K

Hanna Birna Kristjánsdóttir

Hanna Birna Kristjánsdóttir

Borgarstjóri

Maria Sighvatsdóttir

Maria Sighvatsdóttir

Vottar að réttri dagsetningu, undirritun og yfirlýsingu aðila um fjárræði sitt

~~Hanna Birna Kristjánsdóttir~~

Pomrðýðelfr. Úlfur

Viðaukar

Viðauki 1: Um rekstrar- og húsnæðisframlag

RTB
6

Viðauki 2: Um niðurgreiðslur til dagforeldra

Viðauki 3: Um reglur um leikskólaþjónustu

Viðauki við samning um framlag skóla- og frístundasviðs til sjálfstætt starfandi leikskóla fyrir börn frá 18 mánaða til 6 ára

1. gr.

Leikskólasvið, nú skóla- og frístundasviðs Reykjavíkurborgar, kt. 530269-7609 og Leikskóli KFUM og KFUM, kt. 590176-0369 gerðu þann 19. maí 2010, með sér samning um rekstrarstyrk, hér nefnt framlag vegna vistunar reykvískra barna í leikskólanum KFUM og K.

Aðilar framangreinds samnings hafa ákveðið að gera viðauka við framangreindan samning.

2. gr.

Eftirfarandi breytingar eru gerðar á gildandi samningi :

- (i) Við 1. gr. bætist nýr málslíður, svohljóðandi: „*Jafnframt ber að fara eftir reglum Reykjavíkurborgar um styrki, þ.á.m. því að geta þess i kynningarrefni skólans að hann njóti styrks frá Reykjavíkurborg.*“
- (ii) Í 1. ml. 2. mgr. 2. gr., um framlag skóla- og frístundasviðs, falla niður orðin: „*eða þá að foreldrar fá greidda þjónustutryggingu.*“
- (iii) Í 5. mgr. 2. gr. falla brott orðin „*Í samræmi við reglur Leikskólasviðs um þjónustutryggingu er...*“.
- (iv) 5. mgr. 2. gr. verður svohljóðandi: „*Leikskólinn er skuldbundinn til að upplýsa skóla- og frístundasvið um reykvísk börn á biðlista og hvort foreldrum hafi verið boðið leikskólapláss fyrir barn.*“
- (v) 1. mgr. 13. gr. samningsins verður svohljóðandi:
„*Samningurinn tekur gildi þann (dags. undirritunar). Samningurinn gildir til þriggja ára og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um fjárhagslegar skuldbindingar skv. samningnum eftir fyrsta ár samningsins. Samningurinn er uppsegjanlegur af hálfu begga aðila með sex mánaða fyrirvara*“
- (vi) Í stað orðsins „*leikskólasvið*“ í samningnum skal standa „*skóla- og frístundasvið*“.

3. gr.

Viðauki þessi telst vera hluti framangreinds samnings milli aðila frá 19. maí 2010 og gilda sömu ákvæði um uppsögn og endurskoðun samningsins. Að því leyti sem ákvæði viðauka þessa og gildandi samnings kunna að teljast ósamrýmanleg gilda ákvæði viðaukans.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir Héraðsdómi Reykjavíkur.

5. gr.

Viðauki þessi er gerður í tveimur samhljóða eintökum, sitt handa hvorum samningsaðila.

Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og fyrirsvarsmanni KFUM og K, sem ábyrgist að fyrir hendi sé heimild stjórnar skólans til að undarrita viðauka þennan.

Reykjavík

9.1.2015

F.h. Reykjavíkurborgar
skóla- og frístundasvið

F.h. sjálfstætt starfandi leikskóla

Vottar að dags. og undirritun:

Amal Gráðarsdóttir kt 041265-4244

Egils Þórsson kt 000862-5329

Reglur

Reykjavíkurborgar um leyfi til reksturs leikskóla.

1. gr.

Leikskólaráð Reykjavíkurborgar getur veitt sjálfseignarstofnunum, hlutafélögum og öðrum aðilum sem reka fyrirtæki samkvæmt öðru viðurkenndu rekstrarformi heimild til að byggja og / eða reka leikskóla í Reykjavík. Um slíka leikskóla gilda ákvæði laga um leikskóla nr. 90/2008 eftir því sem við á.

Umsókn skal fylgja staðfesting á rekstrarformi og samþykkir félagsins.

2. gr.

Heimilt er að binda leyfi við hámarks fjölda barna. Ákvörðun um fjölda barna skal m.a. byggð á eftirfarandi þáttum:

- Húsnæði og lóð sem fyrirhugað er að nota fyrir leikskóla skal taka mið af þörfum barna og þeirri starfsemi sem fram fer í leikskóla. Lögð er áhersla á öruggt og rúmgott náms- og starfsumhverfi. Gert skal sérstaklega ráð fyrir rými fyrir sérfræðipjónustu vegna barna með sérþarfir og vinnaðstöðu starfsfólks.
- Aldursdreifingu barna og sérþörfum þeirra.
- Lengd dvalartíma.
- Fjölda starfsmanna og samsetningu starfsmannahópsins.

Umsókn þurfa að fylgja upplýsingar um húsnæði sem fyrirhugað er að nota fyrir leikskólanum ásamt málsettum teikningum af húsi og lóð, vottorði Vinnueftirlits ríkisins og heilbrigðiseftirlits Reykjavíkurborgar. Einnig þurfa að fylgja umsókn upplýsingar um fyrirhugaða starfsemi leikskólanus sérstaklega með hliðsjón af því hvernig aldursdreifingu barna verður háttáð og hversu mörg börn með sérþarfir leikskólinn getur tekið á móti, hvað boðið verður upp á langan dvalartíma og hvernig samsetning starfsmannahópsins verður.

3. gr.

Við leikskóla skal starfa leikskólastjóri sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólanus skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennrarar.

Rekstraraðila ber að láta alla starfsmenn leikskólanus undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls

4. gr.

Umsækjandi skal gera grein fyrir því í umsókn sinni hvernig hann hyggst skipuleggja og framkvæma þjónustu við börn með sérþarfir.

5. gr.

Þegar sótt er um leyfi til reksturs leikskóla skal liggja fyrir skólanámskrá væntanlegs leikskóla, sem felur í sér uppeldis- og námsáætlun leikskólans, markmiðssetningu í starfi og leiðir til að ná þeim markmiðum.

Áður en leikskólinn tekur til starfa ber að skila til leikskólaráðs starfsáætlun, þar sem gerð er grein fyrir árlegri starfsemi leikskólans, svo sem skóladagatali og öðru sem varðar starfsemi leikskólans. Starfsáætlun á að skila árlega samkvæmt nánari ákvörðun leikskólaráðs.

Leikskólinn skal leggja fram áætlun um hvernig brugðist skuli við þegar slys og óhöpp verða.

6. gr.

Leikskóla sem fengið hefur rekstrarleyfi er skylt að meta með reglubundnum hætti gæði leikskólastarfsins. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Leikskólasvið Reykjavíkurborgar framkvæmir ytra mat og hefur eftirlit með sjálfstætt reknum leikskólum. Ber leikskólanum að láta Leikskólasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Samþykkt í leikskólaráði

26. nóvember 2008